

Prvi pojedinačni Ugovor
za Lot 5 Usluge servisiranja i održavanja motornih sanki i ATV vozila

I UGOVORNE STRANE

KJP „ZOI'84“ OCS d.o.o. Sarajevo
Sjedište: Alipašina bb, 71000 Sarajevo
Kojeg zastupa v.d.Direktor Edis Baković
Identifikacijski broj: 4200347000004
(u daljem tekstu: Naručilac)

i

BEKA COMMERCE d.o.o.
Sjedište: Stupska bb do broja 7 Nukeus 44
Kojeg zastupa Rafet Bošnjak
Identifikacijski broj: 4200721720008
Identifikacijski broj obveznika PDV-a: 200721720008
Transakcijski broj banke, ime i sjedište banke: 1941410384903157, ProCredit Banka Sarajevo
(u daljem tekstu: Izvršilac)

II PREDMET UGOVORA

Član 1.

Predmet ovog Ugovora je pružanje usluga servisiranja vozila i autobusa LOT 5 Usluge servisiranja i održavanja motornih sanki i ATV vozila prema Okvirnom sporazumu broj: 3419/20 od 10.12. 2020. godine i ponude Izvršioca broj TD05-2020 od 23.11.2020. godine koji su u prilogu ovog Ugovora i čine njegov sastavni dio.

Član 2.

Izvršilac se obavezuje da će u ugovorenom periodu pružati usluge servisiranja i održavanja sljedećih službenih vozila Naručioca:

- a) YAMAHA VIKING PROFESSIONAL II MOTORNE SANKE;
- b) ARTICAT BERCAT 660 MOTORNE SANKE;
- c) ARTICAT BERCAT XTZI MOTORNE SANKE;
- d) ARCTIC CAT ALTERRA ATV-ČETVEROCIKL.

Član 3.

Za koordinaciju operativnih aktivnosti na realizaciji ovog Ugovora, na način i u ugovorenim rokovima, imenuju se:

- a) za Naručioca: Nihad Podrug, tel. 061/295-568;
- b) za Izvršioca: Bošnjak Rafet.

III. CIJENA I NAČIN PLAĆANJA

Član 4.

(1) Ugovor se zaključuje sa procijenjenom vrijednosti, u iznosu do **5.853,00 KM** (Slovima: pethiljadaosamstotinašesdesetri i 00/100 konvertibilnih maraka) bez uključenog PDV-a, odnosno **6.848,01 KM** (Slovima: šesthiljadaosamstotinačetdesetosam i 01/100 konvertibilnih maraka) sa uključenim PDV-om.

(2) Usluge iz člana 1. ovog Ugovora će se plaćati prema utvrđenim pojedinačnim cijenama iz ponude Izvršioca broj TD05-2020 od 23.11.2020. godine, koje se neće mijenjati tokom ugovornog perioda.

Član 5.

(1) Naručilac će plaćanje ugovorene usluge izvršiti najkasnije 60 dana od prijema fakture Izvršioca.

(2) Izvršilac će fakture ispostavljati po završetku konkretne usluge.

Član 6.

(1) Ukoliko Izvršilac ne izvrši ugovorene obaveze u ugovorenom roku, dužan je na ime ugovorne kazne fakturu za izvršenu uslugu umanjiti za iznos od po 1% od ukupno ugovorenog iznosa za svaki započeti dan kašnjenja do izvršenja ugovora, a najviše do 5% od ukupno ugovorenog iznosa.

(2) Ukoliko se tokom izvršenja ugovora utvrdi da je postupak dodjele ugovora zasnovan na značajnim greškama, nepravilnostima ili prevari za koje je odgovoran Izvršilac, Naručilac može odbiti ili obustaviti plaćanja po ovom Ugovoru, zahtijevati povrat plaćenog iznosa ili raskid ugovora u odnosu na obim i ozbiljnost grešaka, nepravilnosti ili prevara.

(3) Ugovorna kazna ne oslobađa Izvršioca od odgovornosti po propisima Zakona o obligacionim odnosima za neispunjenje ili neuredno ispunjenje ugovora, sve do namirenja stvarne štete.

IV. OBAVEZE IZVRŠIOCA

Član 7.

Izvršilac se također obavezuje da će:

- a) u najkraćem mogućem roku poslati stručnu ekipu na mjesto kvara;
- b) da će se vozila Naručioca uzimati u rad kao prioritarna,
- c) prilikom servisa vozila ugraditi nov i nekorišten dio,
- d) rezervne dijelove fakturisati po cijenama datim na elektronskom mediju (CD) uz ponudu, u slučaju promjene cijene rezervnoga dijela u odnosu na dostavljenu cijenu na CD-u, ponuđač je dužan dostaviti potvrdu proizvođača o promjeni cijene. U suprotnom, ugovorni organ nije dužan platiti uvećanu cijenu, već cijenu koja je dostavljena na CD-u,
- e) u slučaju da se ukaže potreba za servisiranjem kvara na vozilu a koji nije naveden u obrazcu za cijenu ponude, ponuđač je prije opravke dužan dostaviti financijsku ponudu Naručiocu usluga na odobrenje prije početka otklanjanja kvara,
- f) dati garanciju na ugrađene dijelove u skladu sa propisima proizvođača, a na izvršene usluge minimalno 6 (šest) mjeseci od dana izvršenja iste,

- g) odmah, istog dana kada je kvar prijavljen, obezbjediti intervenciju šlep službe ukoliko nije moguće osposobiti vozilo u mjestu kvara. Bez obzira na mjesto kvara, vozilo šlep službom dovesti do izabranog servisa.

V. STUPANJE NA SNAGU I RJEŠAVANJE SPOROVA

Član 8.

(1) Ovaj Ugovor stupa na snagu danom obostranog potpisivanja od strane ovlaštenih lica ugovorenih strana, a zaključuje se na period od 6 (šest) mjeseci odnosno do potpunog utroška sredstava iz člana 4. stava (1) ovog Ugovora.

(2) Naručilac će predmet Ugovora iz člana 1. ovog Ugovora nabavljati zavisno od svojih potreba za vrijeme trajanja ovog Ugovora.

Član 9.

(1) Svaka ugovorna strana može pokrenuti postupak raskida ovog Ugovora ako druga strana ne izvršava preuzete utvrđene obaveze, uz otkazni rok od 30 dana od dana prijema pismenog obavještenja o otkazu ovog Ugovora.

(2) Ugovor se raskida pismenom Izjavom koja se dostavlja drugoj ugovornoj strani. U Izjavi mora biti naveden razlog zbog kojeg se raskida ovaj Ugovor.

(3) Ako ugovorne strane sporazumno raskinu ovaj Ugovor, tim sporazumom regulisaće se sva pitanja nastala povodom raskida Ugovora.

Član 10.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

VI. OSTALE ODREDBE

Član 11.

Izvršilac nema pravo u svrhu izvršenja ovog Ugovora da zapošljava, fizičke ili pravne osobe koje su bile uključene u pripremu TD ili su bile u svojstvu članova Komisije za javne nabavke, najmanje 6 (šest) mjeseci po stupanju na snagu istog.

Član 12.

Za sve što nije regulirano ovim Ugovorom primjenjivaće se odredbe pozitivnih propisa kojima se reguliraju Zakonom o obligacionim odnosima u Bosni i Hercegovini.

Član 13.

Punovažne i obavezujuće su samo one izmjene i dopune ovog Ugovora koje su ugovorne strane sačinile sporazumno i u pisanoj formi.

Član 14.

Ovaj Ugovor je sačinjen u 6 (šest) istovjetna primjerka od kojih svaka ugovorna strana zadržava po 3 (tri) primjerka.

Za Izvršioca



Rafet Bošnjak, direktor

Datum: 08.12. 2020. godine

Broj: TD 05-2020

Za Naručioca



Edis Baković, v.d. Direktor

Datum: 10.12. 2020. godine

Broj: 3480/20



